

## Kushtet e Përgjithshme të Sigurimit të Aksidenteve Personale të individëve

### I. Objekti i mbulimit me Sigurim

Në përputhje me parashikimet e kushteve të përgjithshme dhe Tabelës së Përfitimeve, si edhe përcaktimeve në policën e sigurimit, shoqëria e sigurimeve SIGAL UNIQA Group AUSTRIA sh.a, me seli të zyrave qendrore në adresën Blv. Zog I, Tiranë (këtu më poshtë do të quhet 'SIGAL') do të paguajë përfitim për shkak të paaftësisë apo humbjes së jetës, shpenzimeve mjekësore që mund të rezultojë si pasojë e një aksidenti ose dëmtimi aksidental të pësuar nga i siguruari, gjatë periudhës së sigurimit të treguar në policë dhe për të cilën ky sigurim është i vlefshëm, gjatë ushtrimit të:

- a. Veprimtarisë profesionale të treguar në Policën e Sigurimit;
- b. Të veprimtarive që nuk kanë karakter profesional

### II. Përcaktime

**'I Siguar'** – Çdo individ i moshës deri në 65 (gjashtëdhjetë e pesë) vjeç në datën e fillimit të Policës. Të Siguarit që arrijnë këtë moshë gjatë periudhës së sigurimit, do të mbulohen deri në përfundim të kësaj periudhe.

**'Aksident' ose 'Aksidental'** – Përcaktohet çdo ngjarje e papritur dhe e paparashikuar që ndodh në mënyrë rastësore pa vullnetin e të Siguarit, e identifikueshme për sa i përket kohës dhe vendit të ndodhjes, që ka impakt trupor të drejtpërdrejtë, të jashtëm dhe të dhunshëm mbi të Siguarin dhe që sjell si rrjedhojë humbjen e jetës, paaftësinë për punë ose dëmtime trupore të të Siguarit. Do të konsiderohen aksidente edhe:

*Helmimi akut i pavullnetshëm ose dëgjie të pavullnetshme që vijnë si shkak i gëlltitjes ose rënies në kontakt me substanca toksike ose gërryese dhe gazrave apo avujve toksikë, përveç sëmundjeve profesionale; Goditjes elektrike (ku përfshihet edhe goditja nga rufeja); Asfiksija, Mbytja, ngrirja, goditja e diellit përfshirë plagët e shkatuara nga rrezet ultraviolette por jo dëgjia nga dielli; Shkëputjet ose ndrydhjet muskulare që vijnë si shkak i sforcimit fizik; Trazirat civile masive apo aktet terroriste, me kusht që i Siguarit të mos ketë marrë pjesë aktive në to; Rastet e infeksioneve të shkatuara nga plagët e një aksidenti, si edhe infeksionet nga tetanozi apo tërbimi; Rëniet nga lartësitë;*

**'Dëmtim Trupor Aksidental'** – Dëmtim trupor që pëson i Siguarit brenda periudhës së Policës, që shkaktohet vetëm dhe drejtpërdrejt nga mjete Aksidentale (duke përjashtuar sëmundjet ose çrregullimet shëndetësore) dhe që sjell si rrjedhojë humbjen e jetës ose paaftësinë për punë të të Siguarit brenda 12 muajve kalendarikë nga data e Aksidentit.

**'Paaftësi e plotë e përhershme'** paaftësia që e ndalon plotësisht të Siguarin për të ushtruar profesione/punësime për të cilat është i aftë nga arsimimi, trainimi ose përvoja, dhe që zgjat të paktën 12 muaj të pandërprerë dhe në fund të kësaj periudhe është pa shpresë për mirësim.

**'Policë sigurimi'**- këto kushte, Formulari dhe çdo shtojcë ose ndryshim i mëvonshëm i nënshkruar nga Siguruesi;

**'Përfitim'** – shuma përkatëse e sigurimit ose pjesë të saj siç përcaktohet në Formularin e Policës dhe Tabelën e Përfitimeve, e pagueshme nga Siguruesi në përputhje me kushtet dhe parashikimet e kësaj Police për çdo ngjarje ose dëmtim që mbulohet nga kjo Policë.

**"Shuma e siguruar"** – Shuma maksimale monetare e mbulimit e përcaktuar në policën e sigurimit e pagueshme nga Siguruesi në përputhje me kushtet dhe parashikimet e kësaj Police për çdo ngjarje ose dëmtim që mbulohet nga kjo Policë.

**"Mbulimin e shpenzimeve mjekësore në rast aksidenti" (Shtojca 1)** mbulimi i shpenzimeve mjekësore që rezultojnë në rast dëmtimi trupor aksidental të të Siguarit, sipas limiteve të dhëna për këtë mbulim në Skedulën e policës së sigurimit në përputhje me kushtet e përgjithshme të sigurimit nga Aksidentet Personale kur shërbimet merren vetëm në klinikat dhe spitalet e rrjetit mjekësor të Siguruesit.

**Rrjeti Mjekësor i Siguruesit** do të përfshijë spitalet, qendrat mjekësore, farmacitë, ambulancat, mjekët apo specialistët e çertifikuar që kanë një marrëveshje me Siguruesin dhe që janë zgjedhur nga ai për t'i dhënë të Siguaruarve shërbime mjekësore.

### **III. Përrjashtime të mbulimit në Sigurim**

SIGAL nuk do të mbulojë humbjen e jetës, paaftësinë për punë apo dëmtime trupore të të Siguarit që janë rrjedhojë direkte ose indirekte e:

- a. luftës, pushtimit, veprimeve të armikut të jashtëm, armiqësive/luftimeve (pavarësisht nëse është shpallur luftë ose jo), luftës civile, rebelimit, revolucionit, revoltës, kryengritjes ose masat për qetësimin e tyre;
- b. përmbytjes, zhvendosjes së tokës, shpërthimeve vullkanike, tërmeti, katastrofave natyrore;
- c. qëndrimit në zona klimaterike të rrezikshme ose pjesëmarrjes në ekspedita për qëllime shkencore ose për qëllime të tjera;
- d. praktikimit nga ana e të Siguarit të veprimtarive profesionale sportive (gara apo stërvitore) të cilat nuk janë deklaruar si profesione;
- e. pjesëmarrjes së të Siguarit në gara apo konkurime sportive të mjetit motorik apo lundruar, qoftë drejtues, pjesëtar i ekuipazhit apo pasagjer;
- f. përdorimit të një mjeti fluturimi me ose pa motor, qoftë drejtues apo anëtar i ekuipazhit të tij;
- g. të gjitha llojeve të sëmundjeve;
- h. përdorimit të alkoolit, për shkak të dehjes, përdorimit të drogës apo substancave halucinative apo abuzimit me substanca kimike (ilaçe ose droga);
- i. përkeqësimet e shëndetit për shkak të trajtimeve mjekësore, terapive, injeksioneve, ndërhyrjeve kirurgjikale, kurimit apo kontroleve për pasoja që nuk janë shkaktuar nga aksidentet;
- j. vetëvrasjes ose tentativës për vetëvrasje ose akteve të kryera me dashje apo të tentuara nga i siguruari edhe nëse personi nuk është i përgjegjshëm në momentin e ndodhjes së aktit;
- k. dëmtimeve të shkaktuara vetëvetes edhe nëse personi nuk është i përgjegjshëm në momentin e ndodhjes së aktit;
- l. ekspozimit ndaj të gjitha llojeve të radiacionit pavarësisht nga origjina e shkakut të tyre;
- m. aksidenteve apo sëmundjeve të ndodhura/shkaktuara përpara datës së fillimit të mbulimit në sigurim;
- n. ndikimit të problemeve mendore apo çdo lloj defekti fizik apo mendor i të siguarit që nuk është shkaktuar nga aksidenti gjatë periudhës së siguruar;
- o. Sindromës së Deficiencës Imunitare të Fituar (AIDS) dhe gjendjeve shëndetësore të lidhura me të;
- p. gëlltitjes, thithjes apo injektimit të vullnetshme të substancave farmaceutike, kimike, apo drogave pa autorizim nga mjeku;
- q. pjesëmarrjes së të Siguarit në zënka dhe grindje; përfshirjes ose tentativës së kryerjes nga ana e të siguarit në aktivitete të paligjshme, kriminale apo keqbërëse;
- r. përdorimit të lëndëve eksplozive dhe korodive, përveç rasteve kur është në përmbushje të detyrës profesionale;
- s. aksidenteve të ndodhura tek punonjësit si pasojë e mos zbatimit të rregullave të sigurimit teknik.

### **IV. PËRFITIMET**

**1. Përfitimi në rast humbje jete** – Nëse gjatë periudhës që kjo Policë është në fuqi, i Siguarit pëson Dëmtim Trupor Aksidental me pasojë humbjen e jetës, Siguruesi me marrjen dhe miratimin e provave të nevojshme do t'i paguajë Përfituesit vlerën e përfitimit të barabartë me 100% të shumës së sigurimit të përcaktuar në Policën e Sigurimit.

**2. Përfitimi në rast paaftësie të përhershme** – Nëse gjatë periudhës që kjo Policë është në fuqi, i Siguarit pëson Dëmtim Trupor Aksidental me pasojë Paaftësinë e përhershme të plotë ose të pjesshme të përshkruara në Tabelën e Përfitimeve, atëherë Siguruesi, me marrjen dhe miratimin e provave të nevojshme, do të paguajë shumën përkatëse të përfitimit sipas Tabelës së Përfitimeve. Në rast të paaftësisë së përhershme jo të treguar në tabelë, përfitimi përcaktohet duke patur parasysh shkallën e humbjes së aftësive normale fizike dhe mendore të të Siguarit, pavarësisht nga profesioni i tij.

**3. Përfitimi në rast paaftësie të përkohshme** – Nëse gjatë periudhës që kjo Policë është në fuqi, i Siguarit pëson Dëmtim Trupor Aksidental me pasojë Paaftësinë e përkohshme, Siguruesi me marrjen dhe miratimin e provave të nevojshme, do të paguajë një përfitim të llogaritur mbi bazën e vlerës së shpërblimit ditor të përcaktuar në Policën e Sigurimit dhe ditët e paaftësisë së përkohshme.

Përfitimi për paaftësi të përkohshme llogaritet për një periudhë maksimale prej 180 ditë pune dhe përfshihet në vlerën e përfitimit që do të llogaritet në rast vdekje apo paaftësi e përhershme.

Shpërblimi ditor do të paguhet i plotë nëse i Siguruari nuk mund të ushtrojë plotësisht veprimtarinë profesionale të treguar në Policën e Sigurimit ose 50% në rast se i Siguruari mund të ushtrojë pjesërisht veprimtarinë profesionale të treguar në Policën e Sigurimit.

**Mbulimi i shpenzimeve mjekesore në rast aksidenti** - Nëse gjatë periudhës që kjo Policë është në fuqi, i Siguruari pëson dëmtim trupor aksidental me pasojë marrjen e shërbimeve mjekesore kjo policë mbulon shpenzimet për trajtime të cilat njihet se kanë aftësi diagnostikuese, stabilizuese apo përmirësuese dhe të cilat janë të nevojshme nga ana mjekësore. Shpenzimet për fizioterapi mbulohen vetëm në rast se si pasojë e një aksidenti të mbuluar nga kjo policë personi i siguruar ka kryer nderhyrje kirurgjikale dhe për këtë arsye rekomandohet edhe rehabilitim me fizioterapi apo metoda të tjera mjekesore që synojnë rehabilitimin dhe rikthimin e të siguarit në profesion. Mbulimi është deri në limitin maksimal të percaktuar në skedulin e policës së sigurimit. Siguruesi paguan shpenzimet mjekesore dhe/ose farmaceutike në rastet kur për shkak të një aksidenti i Siguruari ka kryer shërbime mjekesore ose ka blerë medikamente të cilat i ka marrë sipas rekomandimit të mjekut. Të gjitha shpenzimet mjekesore dhe ose farmaceutike inkuadrohen në dëmshpërblimin e ofruar në rast vdekje, paaftësi të përhershme.

## V. LIMITET E DËMSHPËRBLIMIT

Shuma e siguruar e përcaktuar në policën e përfaqësimit maksimumin që Siguruesi është i detyruar të paguajë për çdo dëmtim, dhe në asnjë rast ai nuk do të përgjigjet për shumën më të madhë.

Përgjegjësia e Siguruesit për të gjitha përfitimet dhe shpenzimet e pagueshme ndaj të Siguarit për çdo ngjarje të mbuluar nga kjo policë gjatë periudhës së sigurimit, nuk do të kalojë shumën e përcaktuar në formularin si shumën e siguruar për çdo ngjarje.

## VI. PROCEDURA PËR KËRKESË PËR PAGESË

**1. Njoftimi i ngjarjes së Sigurimit** – Çdo ngjarje ose dëmtim që mund të çojë në një kërkesë për pagesë/përfitim sipas kësaj policë, duhet të njoftohet me shkrim Siguruesit brenda 30 ditësh nga ndodhja. Mosnjoftimi brenda periudhës kohore të parashikuar më sipër nuk do të bëjë të pavlefshme kërkesën për përfitim nëse provohet se nuk ka qenë e mundur dhënia e njoftimit dhe se njoftimi është dhënë sapo ka qenë mundësuar në mënyrë të arsyeshme.

I siguruari duhet sa më shpejt që të jetë e mundur që të kontaktojë një mjek të kualifikuar për të marrë kujdesin e duhur mjekësor, të ndjekë këshillat dhe rekomandimet e mjekut dhe ato të Siguruesit si dhe duhet të bëjë përpjekje maksimale për të minimizuar pasojat e aksidentit.

**2. Kërkesa për pagesë** - I Siguruari ose Përfituesi paraqet kërkesën për pagesë së cilës duhet të bashkëngjiten të gjithë dokumentat e nevojshme që vërtetojnë Rastin e Sigurimit, pasojat dhe dëmtimet në aksident.

I Siguruari ose Përfituesi duhet të paraqesë në çdo rast dhe jo më vonë se 30 ditë nga lëshimi i tyre, dokumentat mjekësore, certifikatat mjekësore apo edhe lloj dokumentacioni tjetër që lidhet me aksidentin e që do të kërket nga Siguruesi. Shpenzimet për marrjen e dërgimin e dokumentave mbulohen nga i Siguruari.

Siguruesi paguan përfitim për pasojat e drejtpërdrejta dhe ekskluzive të shkaktuara nga aksidenti i ndodhur brenda periudhës së sigurimit.

Siguruesi do të ketë të drejtë por jo detyrim, që me shpenzimet e tij të kërkojë të Siguarit të kryejë kontrolle mjekësore gjatë shqyrtimit të kërkesës për përfitim.

**3. Pagesa e përfitimit** – Pagesa e përfitimit do të kryhet në favor të të siguarit, trashëgimtareve ligjore apo përfituesit të caktuar prej tij në policën e sigurimit.

Nëse kryhen kërkesa për përfitim që janë mashtruese në ndonjë aspekt, apo i Siguruari apo përfaqësues që veprojnë në emër e për llogari të tyre përdorin mjete ose metoda mashtrimi për të përfitur pagesa sipas kësaj Police, atëherë Siguruesi nuk do të ketë përgjegjësi për pagesën e këtyre kërkesave.

## VI. Parashikime të tjera

**Fillimi dhe Përfundimi i mbulimit me sigurim** – Kjo policë hyn në fuqi ditën e shënuar në Formularin e Policës si data e fillimit të periudhës së sigurimit.

Mbulimi në sigurim për të Siguruarin do të përfundojë me ndodhjen e më të hershmes të njëres prej ngjarjeve të mëposhtme:

- a. Përfundon periudha e sigurimit në datën e treguar në policë;
- b. Pas pagesës së përfitimit maksimal.

**Pagesa e Primit të Sigurimit** – Primi i sigurimit paguhet i plotë ose me këste, sipas datave të përcaktuara në Policën e sigurimit. Nëse primi nuk paguhet si më sipër atëherë kjo Policë bëhet e pavlefshme dhe mbulimi i dhënë prej saj përfundon prej fillimit.

**Pagesa e Primit të Sigurimit** – Primi i sigurimit paguhet i plotë ose me këste, brenda datave të përcaktuara në Policën e sigurimit. Sigurimi hyn në fuqi në orën 24 të ditës së shënuar në policë, nëse në këtë moment primi është paguar, në rast të kundërt hyn në fuqi në orën 24 të ditës së kryerjes së pagesës.

Per primet pasuese se pari është lejuar kufiri për tu respektuar prej 15 ditëve, gjatë të cilave sigurimi mbetet pezull, dhe rihyn në fuqi në orën 24 të ditës së pagimit të primit duke mbetur të pandryshuara skadencat e përcaktuara në kontratë.

Gjatë 15 ditëve të mesiperme, Siguruesi ka të drejtën të deklarojë me leter rekomandë, rizgjidhjen e kontratës, duke ndaluar të drejtën e primeve të skaduara dhe të kërkojë ekzekutimin ligjor.

Primi është gjithmone vendimtar për periudhën e sigurimit prej një viti sepse zgjidh ceshtjet e kontratës.

**Kufijtë gjeografikë** – Mbulimi i dhënë nga kjo policë është i vlefshëm brenda kufijve territorialë të Republikës së Shqipërisë. Siguruesi dhe i siguruari mund të bien dakord që të zgjerojnë kufirin gjeografik të mbulimit, duke nënshkruar një aneks shtesë.

**Anullimi i policës së sigurimit**- Siguruesi ka të drejtë të zgjidhë Policën e Sigurimit për shkak të njoftimeve e deklarimeve të pasakta të kryera me qëllim nga i Siguruari. Në këtë rast i Siguruari ka të drejtën e pjesës së primit për periudhën e mbetur, duke zbritur shpenzimet administrative.

Siguruesi ka të drejtë të zgjidhë Policën e Sigurimit në rast se i Siguruari nuk paguan primin ose këstin e tij në përputhje me afatet e përcaktuara në policë.

Trashëgimtarët Ligjorë të të siguruarit kanë të drejtë të kërkojnë zgjidhjen e Policës së Sigurimit në rast se i Siguruari vdes për shkak të rreziqeve që nuk mbulohen nga Kushtet e Sigurimit.

**Juridiksioni** - Çdo kundërshti mbi këtë Policë që nuk mund të zgjidhet me mirëkuptim reciprok është juridiksioni i legjislacionit të Republikës së Shqipërisë dhe Gjykatës së Rrethit Gjyqësor ku është lëshuar policja e sigurimit.

**Përmbushja e parashikimeve të policës**- Mospërmbushja e parashikimeve të kësaj Police do t'i bëjë të pavlefshme kërkesat për përfitim.

**Korrespondenca** - Korrespondenca midis Siguruesit dhe Siguruesit do të zhvillohet me shkrim.

**Ndryshime të kushteve të kontratës** - Çdo ndryshim i mundshëm i kushteve të kontratës duhet të miratohet me shkrim nga i Siguruari dhe Siguruesi. Në respekt të **nenit 686 të Kodit Civil** i siguruari deklaron se kushtet e përgjithshme të kësaj kontrate sigurimi nënshkruar me shoqërinë SIGAL UNIQA Group AUSTRIA sh.a janë të **njohura dhe pranuar prej nesh**. Këto terma i kemi negociuar dhe pranuar me vullnet të plotë e të lirë pasi jemi konsultuar me dispozitat ligjore në fuqi.

## VII. SUBROGIMI DHE MBULIMI NGA PALET E TRETA

Në rast kerkese për pagesën e përfitimit, Siguruesi duhet të njoftohet nëse i siguruari mbulohet nga një policë tjetër sigurimi. Në këto raste, SIGURUESI do të bashkërendojë pagesën dhe nuk do të jetë përgjegjës për më shumë se pjesën që i takon proporcionalisht. Nëse kërkesa për pagesën e përfitimit mbulohet plotësisht apo pjesërisht nga një program i financuar nga një organ qeveritar, atëherë SIGURUESI nuk do të jetë përgjegjës për pjesën e mbuluar. Policëmbajtësi dhe i siguruari zotohen të bashkëpunojnë me SIGURUESI dhe ta lajmërojnë menjëherë mbi çdo kërkesë apo të drejtë veprimi ndaj palëve të treta. Gjithashtu, Policëmbajtësi dhe çdo i siguruar do ta njoftojnë SIGURUESI plotësisht dhe do të ndërmarrin çdo hap të arsyeshëm ndaj palëve të tjera për të kërkuar dëmshpërblim dhe për të mbrojtur interesat e SIGURUESI. Në çdo rast, Siguruesi do të ketë të drejtë të plotë të subrogimit. Pagesa e përfitimit do të jetë në varësi të kalimit tek Siguruesi i të gjitha të drejtave të Policëmbajtësit/Përfituesit/të siguruarit ndaj çdo pale të tretë përgjegjëse për ngjarjen e sigurimit, dhe asnjë person ose autoritet nuk do të veprojë për të parajgykuar këto të drejta.

Çdo kërkues pagese sipas kësaj police, me kërkesën e SIGURUESI, do të ndërmarrë dhe do të lejojë të ndërmerren të gjitha masat e nevojshme për ushtrimin e të drejtave ndaj çdo pale të tretë në emër të të Siguarit para dhe/ose pas çdo pagese të kryer nga SIGURUESI.

### **VIII. MBROJTJA E TE DHENAVE PERSONALE**

I siguruari është njohur me deklaratën e privatesise të shoqërisë së sigurimeve dhe autorizon SIGAL UNIQA GROUP AUSTRIA sh.a që të mbledhë dhe përpunojë të dhënat dhe informacionin personal i cili nevojitet për administrimin e kontratës së sigurimit, për dhënien e shërbimeve ndaj të siguarit dhe përfituesit përfshirë trajtimin e dëmit, për ofrimin e produkteve apo shërbimeve të reja, bazuar në ligjet përkatëse në fuqi (Ligji Nr. 9887, date 10.03.2008, "Për mbrojtjen e të dhënave personale") si dhe transferimin e të dhënave personale tek të tretë për qëllime të sigurimit apo biznesi të cilët garantojnë gjithashtu mbrojtjen e të dhënave personale. Në çdo rast, mbrojtja e të dhënave personale do të behet në përputhje me rregullat dhe procedurat e percaktuara në Ligjin Nr. 9887, date 10.03.2008, "Për mbrojtjen e të dhënave personale".

### **IX. E DREJTA E INFORMIMIT**

- I siguruari ka të drejtën të informohet nga Siguruesi mbi kushtet, procedurat dhe afatet e mbulimit dhe/ose përfitimit nga sigurimi, informim i cili fillon para nënshkrimit të kontratës dhe vazhdon gjatë periudhës së vlefshmërisë së kontratës. Informimi merret nepermjet telefonit, e-mailit, faqes zyrtare në internet apo broshurave informative të perdoruara nga shoqëria.

- I siguruari dhe/ose Policmbajtësi janë informuar nga Siguruesi përpara nënshkrimit të kontratës së sigurimit, duke marrë të gjithë informacionin e nevojshëm në lidhje me të dhënat juridike të siguruesit, llojin përkatës të sigurimit, procedurat, afatet, metodat e trajtimit të kërkesave për demshperblim, rreziqet e mbuluara dhe të perjashtuara, metodat e llogaritjes, afatet dhe menyra e pageses së primit, metodën e llogaritjes së vlerës së kompesueshme dhe çdo informacion tjetër që ka lidhje me kontratën e sigurimit.

### **X. E DREJTA E TE SIGURUARIT PER TU ANKUAR**

I siguruari apo persona të tjerë të interesuar, kanë të drejtë të paraqesin një ankesë pranë shoqërisë së sigurimit, në rast se çmojnë se shoqëria e sigurimit nuk u përmbahet kushteve të vendosura në kontratën e sigurimit. Ankesa mund të paraqitet në formë elektronike (e-mail) ose me shkrim në adresën postare të shoqërisë. Shoqëria e sigurimit do të përgjigjet çdo ankesë të depozituar me shkrim apo në formë elektronike dhe do të jap çdo informacion të kërkuar që ka lidhje me kontratën e sigurimit, brenda afateve të percaktuara në ligj.

Kjo kontratë sigurimi hartohet dhe zbatohet në përputhje me kushtet e percaktuara si më sipër, Kodin Civil, Ligjin nr.52 të vitit 2014 "Për veprimtarinë e sigurimeve dhe risigurimeve"

NENSHKRIMET E PALEVE NE POLICEN E SIGURIMIT VERTETOJNE SE KANE RENE DAKORT ME INFORMACIONIN E DHENE PARAPRAKISHT, KANE LEXUAR DHE KUPTUAR TE GJITHA TERMAT DHE KUSHTET E KESAJ KONTRATE SIGURIMI, DHE PRANOJNE ME VULLNET TE LIRE T'I RESPEKTOJNE ZBATOJNE ATO. KETO KUSHTE JANE NJOHUR DHE PRANUAR PER TU RESPEKTUAR DHE ZBATUAR NGA PERFITUESI I KESAJ KONTRATE I CILI ESHTE DHE MBAJTES I KONTRATES.

Tabela e Përfitimeve

Humbja		Përfitimi i pagueshëm në përqindje ndaj Shumës së Sigurimit të përcaktuar në Formular	
<b>A</b>	<b>Humbja e jetës</b>	100%	
<b>B</b>	<b>Paaftësi e Përhershme</b>		
1	Paaftësi e Plotë e Përhershme	100%	
2	Humbje ose humbje e plotë e përhershme e përdorimit të dy gjymtyrëve	100%	
3	Humbje ose humbje e plotë e përhershme e përdorimit të një gjymtyre	75%	
4	Humbje e plotë e përhershme e shikimit në të dy sytë	100%	
5	Humbje e plotë e përhershme e shikimit në një sy	75%	
6	Humbje ose humbje e plotë e përdorimit të një gjymtyre dhe humbja e shikimit në një sy	100%	
7	Humbje e të folurës dhe dëgjimit	100%	
8	Humbje e përhershme dhe e pakurueshme e shëndetit mendor	100%	
9	Humbje e plotë e përhershme e dëgjimit		
	a) në të dy veshët	70%	
	b) në një vesh	20%	
10	Humbje e plotë e të folurës	70%	
11	Humbje ose humbje e plotë e përhershme e përdorimit të pesë gishtërinjve të dorës		
	a) të djathtë	50%	
	b) të majtë	30%	
12	Humbje ose humbje e plotë e përhershme e përdorimit të katër gishtërinjve të dorës		
	a) të djathtë	30%	
	b) të majtë	15%	
13	Humbje ose humbje e plotë e përhershme e përdorimit të gishtit të madh të dorës		
	a) të dyja falangat e gishtit të djathtë	30%	
	b) një falangë e gishtit të djathtë	15%	
	c) të dyja falangat e gishtit të majtë	20%	
	d) një falangë e gishtit të majtë	10%	
14	Humbje ose humbje e plotë e përhershme e përdorimit të gishtërinjve të tjerë		
	a) tre falanga të një gishti të dorës së djathtë	10%	
	b) dy falanga të një gishti të dorës së djathtë	7%	
	c) një falangë e një gishti të dorës së djathtë	5%	
	d) tre falanga të një gishti të dorës së majtë	7%	
	e) dy falanga të një gishti të dorës së majtë	5%	
	f) një falangë e një gishti të dorës së majtë	3%	
15	Humbje ose humbje e plotë e përhershme e përdorimit të gishtërinjve të këmbës		
	a) të gjithë gishtërinjtë e një këmbë	10%	
	b) dy falanga të gishtit të madh të këmbës	5%	
	c) një falangë e gishtit të madh të këmbës	3%	
	d) secili prej gishtave përveç gishtit të madh	1%	
16	Shkurtim i këmbës me të paktën 5 cm	7%	
17	Djegje të shkallës së tretë		
	Zona:	Dëmtimi si përqindje e Sipërfaqes së Përgjithshme të Trupit	
- koka		e barabartë ose më e madhe se 2% por më pak se 5%	25%
		e barabartë ose më e madhe se 5% por më pak se 8%	40%
		e barabartë ose më e madhe se 8%	100%
- trupi		e barabartë ose më e madhe se 10% por më pak se 15%	25%

## Sigurimi Individual nga Aksidentet Personale

e barabartë ose më e madhe se 15% por më pak se 20%	40%
e barabartë ose më e madhe se 20%	100%

### Kushte të veçanta:

1. Përfitimi i përgjithshëm i pagueshëm në lidhje me paaftësitë që janë rrjedhojë e të njëjtit dëmtim llogaritet duke mbledhur përqindjet e tyre por nuk do të kalojë 100% të shumës së sigurimit dhe Siguruesi nuk do të jetë më përgjegjës sipas kësaj Police për të njëjtin të Siguruar për Dëmtime Ttrupore Aksidentale.
2. Në rastet kur i Siguruari është mëngjërash, përqindjet e përfitimeve të pikave 11 deri 14 më sipër do të këmbehen duke pasur parasysh se përqindja më e lartë e përfitimit do të zbatohet për dorën e majtë dhe pjesët e saj.

SIGAL UNIQQA